



**R.P. Leonardii Lessii E Societate Iesv Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censbris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Quæritur, quid sentiendum de quatuor subiectis propositionibus.

---

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

Quinta.

Quintò, Si sumptio non esset de ratione huius sacrificij, non magis esset necessaria, quām fractio, aut oblatio verbalis: non enim est fundamentum, vnde colligatur maior necessitas.

Sexta.

Sexto denique, Si contingat aratum incidere in calicem consecratum, debet alius calix consecrari; idque ideo, quia prior non poterat sumi. Quid opus erat alio calice, si in consecratione prioris erat perfectum sacrificium?

Dices, Nostrum sacrificium offertur à Sacerdote in persona Christi: atqui sumptio non sit in persona Christi: ergo &c.

An tota  
Actio in  
hoc Sacri-  
ficio sit in  
Personam  
Christi.

Respondeo Primo, Non facile probari potest totam actionem, qua offertur hoc sacrificium, debere fieri in persona Christi; sufficit enim primariam sic fieri, præsertim cùm sumptio sit etiam vius Sacramenti, qui sit ad propriam sanctificationem. Respondeo Secundo, Etiam sumptio Sacerdotis sit aliquo modo in persona Christi, sicut & aliorum Sacramentorum consecratio: cuius signum est, quod ipse sumat, non sicut Apostoli in cena, qui vt Laici sumebant porrectū ab alio; sed sicut Dominus, sua potestate præferens, & sibi porrigena sua dona.

Ex haec tenus dictis ferè patet responsio ad quatuor subiectas propositiones, de quibus non ita pridem rogatus. Itaque

QVÆRITVR QVID SENTIENDVM DE QVATVOR  
SVBIECTIS PROPOSITIONIBVS?

Prima, Ad essentialē rationem sacrificij, prout est de iure naturae, non requiritur mutatione; qua tamen requiritur ad hoc vt oblatio. Sacrificij rationem habeat, prout sacrificij vox in Scriptura sumitur, & ratio etymologia requirit.

Secunda, Formalis ratio cuiuscunq; sacrificij est oblatio seu relatio ad Deum: hostia autem & qua circa eam accidunt, materia.

Tertia, Formalis ratio sacrificij Missæ, quatenus est sacrificium propriæ dictum, est presentatio hostie Deo facta in recognitione summae dominij, cui ex instituto Christi, adiuncta est presentatio eiusdem hostie in memoria dominica passionis ad propitiationem, & sic, vt hac omnia simul concurvant ad essentialē sacrificij Missæ.

Quarta, Inter predictos modos quibus dicitur sacrificium Missæ offerri, prioribus repudiatis, duo illi probabiles sunt, quibus dicitur illud offerri, sive quia in altari ponitur, aut per verba offerimus: & has sententias posse retinere donec ab Ecclesia aliquid declaretur.

Respondeo Primo: Prima propositione videtur à veritate aliena. Primo, quia si ratio sacrificij propter est iuris naturae, non requirit mutationem: ergo solum ex lego possitua diuina vel humana; atqui hoc verum non est; tum quia nec Scriptura nec Patres talis legis positivæ meminerunt, qua statutum sit, vt sacrificia Deo per mutationem rerum offerantur; tum quia gentiles sacrificia sua per mutationem offerebant, sive animalium, sive rerū inanimatarum, vt thuris, salis, vini: nec facilè quis inuenierit apud eos sacrificia appellari, in quibus nulla siebat mutatio. Secundo, Ratio naturalis dicitur diuinum numen esse colendum interemptione rerum in ipsius honorem facta; vt sic testemur omnia nos ab ipso habere, & ipsum habere perfectum dominum in omnia, & vitæ necisque potestatem: ergo ius naturæ dicitur hanc mutationem in sacrificio adhibendam; nam sacrificium est perfectissimum actus externus, quo Numen colitur;

Prima pro-  
positio non  
videtur ad  
mittenda.

Sacrificia  
genitalium.

vnde etiam diuino Numini est proprium, vt docent omnes Doctores, Tertiò, quia Scriptura ad rationem sacrificij requirit mutationem rerum ad honorem Dei factam: atqui Scriptura non requirit aliquid ad rationē sacrificij in genere, nisi quod legi naturæ requiritur, nempe sacerdotiū, altare, hostiam, & hostie interemptionem in honorem Dei; vt patet ex ijs locis quibus loquitur de sacrificijs legis naturæ. Vnde haec propositio non vide-

Scriptura.

tur sibi satis constare. Addo, neminem Doctorum veterum aut recentiorum, quod sciam, tradidisse sacrificij rationem prout est legi naturæ, non re- quiri mutationem. Vnde haec propositio videatur etiam nonnihil nouitatis & temeritatis contineat. Quod enim sine authore asseritur & sine sufficienti ratione, in materia Theologica non caret temeritate.

Respondeo Secundo: Secunda propositione duas habet partes, quarū neutra videtur vera, imo vtra que contra communem sententiam Doctori. Nam si ratio formalis sacrificij consistit in oblatione seu relatione ad Deum præcisæ; sequitur manifestè ad rationem sacrificij non requiri mutationem; quod est contra suprà dicta, & contra communem sententiam Doctorum; qui distinguunt sacrificium ab oblatione Deo facta, quod sacrificium fiat per interemptionem rei. Deinde, obla-

2. Propof,  
Simpliciter  
repugnat  
communi,

tio primitiarum & primogenitorum erit verè & propriæ sacrificium, contra communem senten- tiam, & modum loquendi Scripturarum: quia est oblatio Deo facta in recognitionem supremæ potestatis & supremi dominij. Præterea, castigatio carnis facta ad honorandum Deum in corporibus nostris, tanquam authorem & dominum eorum, erit sacrificium; imo omne opus bonum præser- tim externum ad hunc finem relatum: nam ratio formalis ei conuenient. Possunt enim haec fieri non solum propter Deum, tanquam propter finem quem promercamur, sed etiam ad ipsum honorandum tanquam supremum Monarcham & Domi- num. Præterea, haec ratio sacrificij videtur omnino conuenire cum ea, quam assignat Caluinus lib.

Caluinus.

4. Inflit. cap. 18. §. 13. vbi dicit Sacrificium esse quidquid Deo offertur; & cum ea, quam Lutherani: Castigatio carnis.

Lutherani.

Castigatio carnis.

Alarmino, Gregorio à Valencia &c. cō quod mutationem à ratione formalis excludant. Denique, non satis videtur confitare cum prima propositione, in qua dicitur sacrificij rationem prout in Scripturis sumitur, includere mutationem: inde enim sequitur, verū nō esse sacrificij cuiusque rationē formalē consistere in relatione ad Deum, nempe præscindendo à mutatione.

Altera pars etiam vera non videtur: si enim omnia quæ circa hostiam accidunt ad materiam pertinet: ergo & ipsa mutatione: ergo haec non pertinet ad rationē formalē, contra suprà dicta, & contra primam propositionem. Item, ergo sacrificium non habet rationem formalē extera- nam & sensibilem, sed relationē duntaxat internam insensibilem: si enim relatio in Deum est ratio formalis, & ea quæ sunt circa hostiam sunt materia: ergo ratio formalis est interna, non extera; nam extera actions materia accidunt. Atqui oportet etiam dare rationem formalē ex-

Ooo iii teram

ternam ( nam loquimur de externo sacrificio quatenus externum est , & obiectum actus interni ) sicut in oratione & eleemosyna externa datur ratio formalis externa, per quam opera externa sunt idonea obiecta voluntatibus internis. Denique communis sententia Doctorum mutationem materie ponit pro forma specifica sacrificij , per quam ab oblatione & primitijs distinguuntur. Vnde & haec pars contra communem sententiam videtur.

3. Propositiō non videtur pro habitu.

Respondeo Tertiō: Tertia propositio quatenus ponit presentationem hostię factam Deo in recognitionem summi dominij, esse formalem rationem sacrificij Missæ , non videtur probabilis, si præcise & tantum in ea presentatione rationem formalem ponat . Primo , quia omnes authores, quantum memini, in ratione sacrificij Missæ tanquam partem principalem & essentialē includunt consecrationem , quamvis diuersitas sit in modo explicandi : dicere ergo quod eius ratio consistat in presentatione illa, est contra communem sententiam Doctorum. Secundo , Si consistat in illa presentatione: ergo ad offerendum sacrificium nō requiritur ordinatio per Sacramentum Ordinis, quo diuina illa potestas conferitur sacerdotibus, sed solum ad aliquid præviū sacrificio, nempe ad consecrandum; quod est contra formam ordinacionis. Accipe potestatem offerendi: nam in ea non sit expressè mentio nisi potestatis offerendi . Consequentia patet, quia ad presentandam Deo hostiam consecratam, dicendo, Offero tibi Domine Corpus & Sanguinem Unigeniti tui &c. non requiritur illa potestas supernaturalis; nam qui quis fidelis eam facere potest, saltem secundum substantiam operis, ut author satetur; sicut potest administrare Eucharistiam secundum substantiam operis. Dicere autem quemvis fidem per se sacrificiū Missæ offerre quoad substantiam operis, est omnino à veritate alienum; imo error proximum, sic enim modo quodam omnes erunt veri sacerdotes , quia verum sacrificium nouæ legis secundum substantiam operis offerre possunt; & idem sacrificium erit Laici & Sacerdotiis; nam substantia & intrinseco valore idem erit. Si dicas laicum non iure offerre, sacerdotem iure; sicut laicus non iure administrare Eucharistiam, sacerdos autem iure & legitimè , & ad hoc opus ei esse potestate ordinis: hoc non satisfacit; Primo, quia hoc non minuit dignitatem & valorem Sacrificij in se ; cum enim substantia sacrificij sit eadem , eadem quoque crit dignitas, idem valor ex opere operato , sicut eadem est porrectio hostiæ per laicum & per sacerdotem: imo in necessitate laicus poterat olim Eucharistiā porrigit & sibi & alteri, saltem mediante vasculo. Verum igitur erit laicos offerre sacrificium Missæ non minus quam sacerdotes; & eorum sacrificium non esse minoris pretij quam sacerdotum, quod est omnes laicos facere sacerdotes saltem respectu substantiae sacrificij, quod videtur hæreticum. Secundo, etiam iure laicus offeret; nulla enim lex diuina , aut Ecclesiastica vetat, quo minus quisque & ore & corde offerat per se cœlesti Patri Filium unigenitum , etiam accedendo prop̄ altare & eleuando manus ad cœlum ; ergo laici non minus erunt sacerdotes , quam ordinati. Denique si ratio formalis sacrificij Missæ consilium in illa presentatione, sacerdos verè & propriè poterit offerre sacrificium

Consequētia sententia propositiō.

ficiū Missæ , etiamsi ipse non consecrari, sed aliis ; quod est contra communem sententiam: sic enim in Paracœue fiet verum sacrificium; & quotiescumque sacerdos in aliquod templum veniens, presentabit corde & voce hostias consecratas Deo. Omitto alia; vt quid Dominus non legatur tale quid dixisse , Offero tibi pater. Omitto verba illa , Offerimus tibi , non esse actionem quā offerimus, sed significare illam duntaxat. Nec verum est ipsum gratiarum actione obtulisse: nam actio gratiarum praecedit hostiam; oblatio autem vel simul est, vel posterior. Deinde, nemo Doctorum est qui dicat ipsum obtulisse gratiarū actione; nisi fortè illa idem fuit quod Consecratio. Omitto item; Quod illa presentatio, vel est actus internus tantum, & sic non erit externum sacrificium; vel aliquis externus procedens ab internis si est externus actus, erunt aliqua verba, vel aliqua actio: atqui nulla verba iure diuino requiruntur præter verba consecrationis; nulla etiam actio requiritur præter actionem que fit consecratione, quæ est constitutiva Corporis Christi sub speciebus, & præter mandationem: est non ergo quærenda illa presentatio aut oblatio ab his distincta. Omitto Sacrificium Missæ potissimum representare sacrificium crucis , ratione consecrationis & sumptionis; vt docent Doctores; non autem ratione verbalis oblationis.

Respondeo Quartō: Non videtur probabilis illa sententia quæ per verba Offerimus putat essent. 4. Propositiō est cuī improbabili. Et illis verbis, nō offerimus, sed significamus nos offerre. Nec etiam illa sententia quæ dicit illud offerri, quia in altari hostia ponitur; nisi intelligatur de illa positione, quā ponitur verbis consecrationis; hæc enim est probabilis & multorum Doctorum. Vnde puto has sententias non posse tutò teneri.

## D V B I V M V I I .

Quibus modis hoc Sacrificium suum fructum conferat?

S Vppono , Hoc sacrificium conferre varium fructum: sed de modo difficultas est. 34 Respondeo igitur quatuor modis conferre. Per modū Primū, Per modū meriti: si tamen persona immediate offerens sit Deo grata. Ratio est; Quia est præstantissimus actus Religionis supernaturalis, ac proinde secundum se valde meritorius, modo ex parte subiecti non sit impedimentum. Et hic fructus sacrificij est personalis, nec potest alteri communicari.

Secundo, Per modū satisfactionis: nam omne opus meritorium est etiam satisfactorium. Hic 35 fructus potest alteri communicari. Verum hi duo modi sunt etiam communes alijs bonis operibus, nisi & tantum conuenient sacrificio , quatenus est actio ministri, vel aliorum, qui actu cum ministro concurrunt: non autem, quatenus est actio Christi, vel Ecclesiæ vniuersalis; vt infra patebit.

Tertius igitur modus est, quo confert fructum Per modū impetratiōnis ; idque immediate ijs, pro quibus offertur. Ratio est, Quia impetratio fit per impetratiōnem, & per alia bona opera, quatenus orationi adjunguntur, vt diuinam voluntatem fletam̄ ad concessionem eius, quod petimus; sed hoc